

„Nei, Hugh, ég þekki hana; ég sé líka ósköp fallega konu, sem breiðir faðm-inn á móti mér, og vindurinn segir að það sé móðir. Ó, opnið þið gluggann. Það er svo dimt hér inni“,

Alice gekk að glugganum sem var op-inn, til að þóknast honum; lét hún hann aftur og opnaði svo aftur, og spurði svo hvort þetta væri betra, en fékk ekkert svar, og þegar hún gekk að rúminu, sagði Hugh henni að bróðir sinn væri dáinn.

Það er nú lítið eftir ósagt. Hugh Harcourt og kona hans fóru strax til New York aftur og fluttu lík drengsins með sér þangað og létu grafa hann þar.

Israel Sharpe hefir heimili sitt hjá þeim og er þeirra bezti vinur.

Estella Harcourt giftist aftur og varð lánsamari með seinni giftinguna en hina fyrri. Hún átti nú ráðvandann verkamann, sem elskaði hana innilega og var henni góður.

Margrét lifði til að sjá fyrsta barn Alice, og þegar hún dó, var hún jörðuð við hlið bróður Hughs.

Og svo erum við nú laus við aðalpersónur sögunnar. Kveð ég svo lesarann þar til við sjáumst aftur. **ENDIR.**